



Vita de ploania y de paisc



"I te cherdì con to ennom" dij le Signur.

La ploania d'La Pli tol sò con ligreza te sòa comunité **Amelie Huber** de Eduard y Manuela (Peraforada) y **Dominik Ploner** de René y Sonia (Plazores) y ti fej les miús aodanzas ai geniturs: che Idio, la Oma dal Ci y i Sanc Patrons acompagneii Amelie y Dominik con sòa benedisciun y proteziun.

1 Enformaziuns y terminis

La Spona: la strotóra sozuala La Spona chir da atira en tislèr, en operadú/na operadessa sozio-assistenzial/a (Sozialbetreuter) o n operadú/na operadessa sozio-sanitar/a (Pflegehelfer/in). Por enformaziuns telefoné al ☎ 0471 843060 (danter les 8:00 y les 15:00 y damané do Manuela Winkler)

Museum Ladin: l'Azienda Museums Provinziai chir por le Museum Ladin Ciastel de Tor o por le Museum Ladin Ursus ladinicus n colaboradú/na colaboradessa pa la cassa con alplü 24 ores al'edema, 4. nivel. Le contrat é a tomp determiné dai 01.05. ai 31.10.2022. Requisic: diplom dla scora mesana y emplü formaziun de almanco 2 agn tai seturs dl comerz, contabilité, aministrazion o secretariat o 2 agn de scora alta con ejam ECDL. Por enformaziuns plü monüdes scrí a info@landesmuseen.it. Mené les domandes con curriculum vitae y foto anter i 24.03.2022 a info@landesmuseen.it

Sesciun forestala: la sesciun forestala por paurs y patruns de bosc dla bassa Val Badia ven tignida en dedolónesc ai **15 de merz ales 20:00 te Ciasa dles Uniuns a La Pli.** Por tó pert en presenza ól ester le 2G, tanco varis dal Covid o vazinés. Lapró messon avei le mascherot FFP2. Öna dles tematiches prinzipales sará le chefer dla scorza.

Döt le bun a:		
Teresa Rigo Taibon	*	09.03.1934
Maria Rindler Daverda	*	12.03.1931
Hilda Kastlunger, <i>Wiesen/Pfitsch</i>	*	12.03.1942
Erica Teresa Rigo Gostner, <i>Balsan</i>	*	12.03.1942
Papa Francesco	lité	13.03.2013
Lorenz Willeit	*	14.03.1939
Angela Trebo, Bornech	*	14.03.1939
Metilde Willeit Kaiser, <i>Luttach</i>	*	14.03.1940
Emma Kaneider Feichter	*	15.03.1936
Jep Trebo	*	16.03.1933
Maria Vittoria Ellemunter Schenk, <i>Santa Cristina</i>	*	18.03.1932
Anna Kier Erlacher	*	19.03.1938

y a düc chi co á santennom y compless i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

13.03.2022 - **Secunda domegna de Carsema**

n. 16

Scuté sö chê?

📖 **Gen 15, 5–12.17–18 | Fil 3, 17 – 4,1 | Lc 9, 28b–36**

Dal Vangelo do San Lūca:

Te chel tomp ^{28b}á Gejú tut Pire, Jan y Iaco sòn na pert y é jü empara sòn na munt a perié. ²⁹Y dertan ch'al periâ, s'á müde l'aspet de so müs, y so quant é diventé blanch lominus. ³⁰Te n iade baiâ dui ei empara. Al ea Mosé y Elía; ³¹ai ea aparís te n lominus raiont y baiâ de sòa fin, co dea s'ademplí a lerúsalem. ³²Pire y sù compagns ea gnüs coüs dal som, mo ai s'â endespré y odea Gejú te n lominus raiont y i dui ei co ea dlungia d'el. ³³Canche chisc dui orea s'an jí demez da d'el, á Pire dit a Gejú: Maester, al é bun ch'i sun atló. I orun fá sò trei üces, öna por te, öna por Mosé y öna por Elía. Mo al ne sâ nia ci ch'al dijea. ³⁴Ciamó dertan ch'al baiâ, él gnü n nio y i á curí con sòa ombria. Ai ea roés ete tal nio y se temea. ³⁵Y dal nio scraia na usc: Cösc é mio Fi prelité, ascutedele! ³⁶Mo do che la usc â zedü, ea Gejú endô su. I discepu scutâ y ne ti cuntâ en chi dis a degügn ci ch'ai â odü.

I ponsun do: *Vignedé aldiunse tan de sort de messaji y al nes ven fat engröm de propestes co sona bun, tanc ô nes enseñé y istruí. A forza de aldí dotes cöstes usc s'anse aüse da ne ti meter gnanca plü dagnora averda. Mo Gejú Crist orunse ascuté sö. Chel Bel Dio enstes nes dij che so Fi é le maester dla jont, chel co ademplesc les empormetüdes y daür i trus por la vita.*

I periun: *Gran Bel Dio, to Fi pó ti dé direziun y travert a nosta vita. Deidesse da l'ascuté sö y ti meter averda y da orienté nosta vita do so ensegnamont.*

Por el, Crist, nosc Signur.

Vesco Wilhelm Egger "Sonntagsbibel"



📖 **Letöres dla Terza domegna de Carsema:**

Is 6, 1–2a.3–8 | 1 Cor 15, 1–11 | Lc 5, 1–11

Edema liturgica dai 13.03. ai 20.03.2022

DOM 13.	Secunda domegna de Carsema	<i>Iudith, Paulina, Leander</i>
08:30	gran messa por dōta la ploania	<i>oferta por la ploania</i>
14:00	funziun dal Bato de Amelie Huber y Dominik Ploner	
10:00	<i>s.m. a Al Plan</i>	
Lön 14.	<i>Metilde, Gottfried K.</i>	
→	de d'oraziun te familia	
Ded 15.	<i>Klemens Maria Hofbauer, Loise, Zacharias</i>	
07:30	s.m. por la pêsc	
	s.m. por †† Genovefa Ellemunter ved. Rigo y Matthias Ellemunter	
Dem 16.	<i>Heribert da Köln, Hilarius</i>	
→	de d'oraziun te familia	
Jöb 17.	<i>Gertrud, Patrick</i>	
19:30	s.m. por † Monica Peslalz Rabbú, Tlea/Genova	
	s.m. por vis y †† de Lex	
Ven 18.	<i>Ziril da Ierúsalem, Eduard</i>	→ <i>astinonza dla cern</i>
→ 19:30	funziun con "Les staziuns" con la Joneza	
Sab 19.	GRAN FESTA DE SANT'OJEP OM DE SANTA MARIA , festa dai peri,	
18:00	<i>s.m. prefestia a Al Plan</i>	
19:30	s.m. prefestia en onú de San Ojep do entenziun dl'Uniun dai Ei	
	<i>♫ grup dal Cor</i>	
DOM 20.	Terza domegna de Carsema	<i>Wolfram, Irmgard, Claudia</i>
	De dla solidarieté	
08:30	gran messa por dōta la ploania	
	<i>oferta por le patronat ACLI KVV</i>	
	s.m. por †† Linda Promberger y Lois Valentin y por fam. de Bolser	
	s.m. por † Jep Rovara, Plans	
10:00	<i>s.m. a Al Plan</i>	
<i>ampola:</i>	por la pêsc	
<i>ministronc:</i>	<ul style="list-style-type: none"> • dedolōnesc y sabeda: Veronica y Jacklyn • jōbia y domegna: Francesco O. y Moses 	
<i>i recordun:</i>	Albert Pedevilla, <i>Bornech</i>	† 15.03.2019

"Cösc é mio Fi prelité, ascutedele!"

Lc 9, 35

 **La parora de Dio - secunda letōra dla secunda domegna de carsema**

Dala letra de San Paul ai Filipesc (*Filipesc 3, 17-4,1*)

²⁰**Nosta patria endere é tal ci.** Da danló aspetunse ince Gejú Crist, le Signur, desco salvadú, ²¹co trasformará nosc corp miserabl tla forma de n corp gloriu, con che forza, con chera ch'al s'á sotmetü dōt cant. **'Porchel, mi fredesc bunorüs** y tan dejidrés, mia ligreza, mia corona d'onur, **stede frems tla comunité dal Signur**, mi bogn fredesc.



Datrai é le tru der ert

Datrai é le tru de nosta vita ert y sfadius. Mo Gejú nes é jü danfora cösc tru. Ince el á albü momonc de tema, mo al cialá la forza da jí ennant tla fidonza y tal arbandonn al Pere. Al nes á salvé con sōa pasciun y mort y nes á ensciō fat capí che la soferonza n'é nia por nia.

Al conesc nosta fadia y nes sta dlungia. Al nes damana vigne de da i jí do a d'el, da combater cuntra la tema y la comodité, ch'i se prounse vigne de, vign'ora, da jí n vare ennant, ch'i ne stunse mai chic desco sc'i esson belo arjunt le travert, mo da reconesce ci tru lunch ch'i án ciamó dan da nos, tan debojūgn ch'i án ciamó da chirí, da müdé, da cresce, da oje nosc cōr tres deplü cuntra le ben.


Gejú, i te periu, ví con nos sōle tru de nosta vita, tla ligreza y tal dolor!

da "Parores por vigni momënt"



I ponsun con le Vangelo (*Lc 9, 28b-36*)

- 1>
- 2>
- 3>
- 4>
- 5>
- 6>
- 7>



Ü = Ü

- 1> Al ea Mosé y ...
- 2> y odea Gejú te n lominus ...
- 3> él gnü n nio y i á curí con sōa ...
- 4> I ... scutá y ne ti cuntá en chi dis a degūgn ci ch'á à odü
- 5> y é jü empara sōn na ... a perié.
- 6> Cösc é mio Fi prelité, ...!
- 7> I orun fá sō trei ...

